

關中金石記

二



關 中 金 石 記

(二)

畢沅撰

王雲五主編
叢書集成初編
關 中 金 石 記
二 冊

中華民國二十五年十二月初版

撰 者 畢 沅

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

(本書校對者徐壽齡)

◆ D 七〇四三

鎮

叢書集成

初編

主編者
王雲五

商務印書館發行

關中金石記卷第五

宋

王彥超修文宣王廟記 建隆三年八月立。劉從又撰文。□昭吉行書。并篆額。

宋史文苑傳有劉從義。善爲文章。常續長安碑文爲遺風集者。當卽其人。

篆書千字文 乾德三年十二月立。釋夢英書。

夢英字皆作英。惟此碑作瑛。與他碑異。夢英以篆法自名。而體多閒架。筆趨便易。不若少溫之安詳。

端雅也。且多繆體字。如宙字應從由而作廌。往字應從圭而作澁。閨字應從王中畫近上爲帝王字而作閨。三畫正均乃金

字。嚴字應從厂而作巖。匡字應從圭而作匡。頓字應從㐁而作頓。嫡字應從畎而作嫡。出字應從山

而作出。克字應作克而作克。列字應作勑而作列。殿字應作殿而作殿。丞字應作丞而作丞。穀字應作

穀而作穀。敕字應作敕而作敕。觴字應作觴而作觴。眺字應作眺而作眺。盟字應從血而作盟。或省或

增。或改變。皆非正體。又古無藏字。只用臧。古無崑字。只用昆。古無潔字。只用絜。古無邈字。只用藐。古無

懸字。只用縣。古無塗字。只用涂。古無貽字。實用詒。古無妙字。實用眇。古無悅字。實用說。此亦並用俗字。

揆其故。蓋因玉出昆岡。昆池碣石。女慕貞絜。紈扇員絜等字。本重疊故也。又逍遙古只用消搖。藝古只用執。此竟作逍遙與藝。律呂調陽本爲律召。隋智永唐歐褚所書皆然。今則作呂。更徵謬陋矣。英書已傳數百年。然不能免後人之譏如此。擲管者可不知所取法耶。

三體陰符經 乾德四年四月立。郭忠恕書。

此刻唐懷惲禪師碑之陰。三體者。以篆爲正。而以古隸分注于下也。蠢字本從𧈧從𧈧。而省爲𧈧。最謬者則烈字之作𧈧耳。其所用古文多無所本。宋史稱忠恕有古文尙書并釋文行世。今其所作汗簡中。採錄甚多。字體亦正俗參半。乃博覽之家。非求精之學也。篆體旣變少。監舊法。又加之筆畫謬戾。何以示後。

夢英千字文序 乾德五年九月立。陶穀撰文。皇甫儼正書。

江淹擬休上人怨別詩 乾德五年立。釋夢英十八體篆書。注解分書。贈詩正書。並袁允中書。

贈詩共十二人。馬去非、宋白、賈黃中、陳搏、趙逢、李頌、盧岳、許道寧、何承矩、呂端、僧永牙、元寶與咸平元年刻者。惟賈黃中、呂端二詩相同。此題端爲太常丞。當是太祖定國初所贈。然則咸平刻云特進太子太保致仕者。爲追錄爲疑也。米芾書史曰。夢英諸家篆。皆非古失實。一時又從而贈詩。使人媿笑。

摩利支天經 乾德六年十月立。袁正己正書。前有摩利支天像。李奉珪繪。書史會要。正己汝南人。

陰符經 乾德六年十一月立。袁正己正書。前有李筌遇驪山老母圖象。翟守素繪。張仲荀抄高僧傳序。無號年。陶穀文。釋夢英正書。並在西安府學。

修周武王廟碑 開寶六年十月立。盧多遜撰文。孫崇望行書。

崇望書。宋時謂之院體。蓋用集聖教序筆意而加豐潤者。趙嘏謂出于吳通微。恐未必然。宋史禮志廣南平遣司農少卿李繼芳祭南海。除去劉鋹所封僞號及宮名。又命李昉、盧多遜、王祐、扈蒙等分撰嶽瀆祠及歷代帝王碑。遣翰林待詔孫崇望等分詣諸廟書于石。卽其事。

修周康王廟碑 開寶六年十月立。黃遜浮撰文。孫崇望行書。並在咸陽廟內。

文有云。我應天廣運聖文神武明道至德仁孝皇帝。宋史本紀。乾德元年十一月。百官上尊號曰應天廣運仁聖文武至德皇帝。開寶元年十一月。上尊號曰應天廣運大聖神武明道至德仁孝皇帝。與此云聖文者異。

修唐太宗廟碑 開寶六年十月立。李瑩撰文。孫崇望正書。在醴泉廟內。

修龍興寺塔記 開寶八年四月立。正書。在同州。

碑無撰書人姓名。文內有帖也。德行無取。文學甚虛之言。當是撰文者名。而姓無攷。

蒼頡廟碑并陰 開寶八年大呂月立。韓從訓撰文。韓文正行書。在白水。

碑字甚拙。其陰列孔子弟子姓名。書冉耕字伯牛。攷漢啓母廟石闕銘。百川栢繇義作伯。漢碑陰又有出錢幾伯之文。是古百栢栢三字通用也。書公冶長字子之。范甯曰。公冶長名芝。字子長。以芝爲名。非也。古芝與之同字。書漆雕開字子修。樊遲字子緩。又分樊須爲二人。則非是。

法門寺浴器靈異記 太平興國三年四月立。正書。無撰書人姓名。在扶風。

保寧等寺額牒 太平興國三年四月立。正書。在興平。

牒云。興平縣淸梵寺。宜賜保寧之寺爲額。西禪院。宜賜淨相禪院爲額。誌公塔院。宜賜多寶院爲額。法花院。宜賜惠安之院爲額。後有中書侍郎平章事盧者。盧多遜也。右僕射兼門下侍郎平章事左僕射兼門下侍郎平章事者。當是沈義倫。薛居正兩人。

使帖 太平興國三年六月立。正書。

中署右贊善大夫通判軍州事楊。而不及名。劉敞等漢書刊誤曰。楊氏世有兩族。出赤泉侯者從木。子雲當從手。吳仁傑正之曰。子雲先世食我。食采于楊而得姓。字亦應從木。案魏志。楊修字從木。而自稱爲修家子雲。知兩字古木通也。後有武功郡王宋史宗室列傳云。太祖子德昭。太平興國元年鎮永興。封武功郡王。

縣帖 太平興國三年六月立。正書。此與使帖並刻牒文下。

太上老君常清淨經太上昇元消災護命經太上天尊說生天得道經 太平興國五年閏三月立。龐仁顯正書。前有老君像。白廷璨繪。在西安府學。

廣慈禪院新修瑞象說 雍熙二年三月立。希夷先生陳搏撰文。楊從乂正書并篆額。在咸寧香城寺。

周約謁祠記 雍熙二年八月刻。正書。在華嶽廟。

新譯三藏聖教序 端拱元年立。太宗御製文。釋雲勝隸書。在西安府學。

香城寺牒 淳化二年四月立。正書。刻香城寺地土碑下方。在咸寧。

呂文仲題名 淳化四年三月刻。正書。

文仲時以左諫議大夫與陳堯叟爲關西巡撫使。見宋史本傳。

王著題名 無號年。正書。刻唐定慧禪師碑陰。在鄠縣。

著以攻書事太宗。爲侍書。傳以爲與呂文仲同時人。故附于此。

崔承業題名 淳化四年十一月刻。正書。在唐大智禪師碑之陰。

侯建中謁詞記 淳化五年春仲刻。正書。在華嶽廟。

贈夢英大師詩 咸平元年正月立。釋正蒙正書。

共三十二人。陶穀、楊昭儉、趙逢、王著、蘇德祥、趙文度、郭從義、何承裕、楊徽之、范杲、李建中、張洎、呂端、賈

此李鑄、師頴、李若拙、宋白、賈黃中、趙昌言、鄭起、許仲宣、馬去非、韓溥、臧丙、蘇易簡、王承衍、陳文顯、穎贇、郭忠恕、陳搏、宋溫舒、敍次官職。往往與史傳合。唯李若拙、范杲、臧丙爲左諫議大夫。鄭起爲左拾遺史。並作右爲非耳。又楊徽之不及爲翰林侍讀學士。亦其脫略。攷碑作咸平元年刻石。而史載徽之以二年爲兵部侍郎兼秘書監。師頴以三年爲翰林學士。呂端以太子太保致仕。亦在眞宗立後一二年。並有刻石後者。疑碑追刻歲月。實非元年所製也。碑書諸人官職。皆舉其後且顯者。故有不合耳。詩並言某人上。或無上字。唯范杲作狂筆。言甚粗鄙。不足法也。夢英一沙門耳。其傾動朝士。不必皆如詩所云。或好事者依托爲之。以張大其教耶。然非所攷矣。諸詩亦俱無可觀。王著題云翰林學士中書舍人知制誥。當是單州人。以開寶二年卒。無書名。與太宗時爲侍書者是兩人。

皮及反。從無方木之音。音聲爲陌包反。聲字從牛聲。聲字從聲毛聲。是誤以聲爲聲字。音爲方九反。說文曰。楚東名缶爲缶。本音側詞反。又誤以缶爲缶字。是英公非但不識字。亦並不知音。顏元孫干錄字書。無當于古人之正字也。然習之可以無無來歷之字。賈昌朝羣經音辯。無當于古人之正音也。然習之可以無無來歷之音。當合此兩書刊布于時。以爲初學者法式。說文切音。乃徐鉉等以唐韻附入者。其廣韻爲宋人增刪。已非唐本。今陸德明經典釋文。李善及五臣文選注。張守節史記正義。顏師古漢書注。章懷太子後漢書注。張湛列子注。史崇及僧元應兩一切經音義。楊齊宣晉書音義。顏師古急就章注等書。具在世多讀書好古之士。而卒無一人採錄諸家之說。以復唐韻之舊者何也。夫由唐韻以合之周沈。更由周沈以合之漢魏。上溯三代。音之古今正變可觀矣。而後人乃指吳棫之書爲古音之正。取以証詩騷漢賦。何其謬歟。

修文宣王廟記 咸平三年八月立。王漢撰文。蕭資隸書。并題額。在臨潼縣學。

保寧寺浴室院鐘款 咸平三年十二月建。正書。在興平保寧寺。

款內稱府主者。知京兆府事者也。內品者。內侍官也。所謂把門內品。後苑內品及內品矣。鎮將及副鎮。則鎮砦官耳。

梁顥李易直安撫巴峽謁祠記 咸平三年刻。正書。

宋史顯本傳。是年冬王均平命顯爲峽路安撫使。題稱右司諫知制誥。梁顯傳不及爲右司諫者略也。通鑑長編命翰林學士王欽若知制誥。梁顯分爲西川及峽路安撫使。國子博士李及甫秘書丞李易直副之。所至錄問繁囚。自死罪以下得弟降之上。諭欽若等曰。朕以觀省風俗。尤難其人。數日思之。無易卿等。各宜宣布德澤。使遠方知朕勤卹之意。

江仲甫謁祠記 咸平四年閏十二月刻。何淑正書。並在華嶽廟。

臥龍寺鐘款 咸平六年十二月造。正書。在咸寧。

勅賜西嶽廟乳香記 咸平六年九月立。韓見素撰文。□□正書。董洎篆額。在華嶽廟。

後題名內有宣德郎守右司諫直史館知華州軍州事輕車都尉高紳。江少虞皇朝事實類苑曰。紳江東人。善篆文。與李無惑同時齊名。

重真寺買田莊記 咸平六年□月立。撰書人缺。在扶風。

修造靈寶三籙壇記 德景二年冬十一月刻。龐奎題。正書。

□仲卿祭告記 景德二載□月刻。正書。

虞部郎中淳于廣謁廟記 祥符建號式載季秋刻。分書。並在華嶽廟。

御製文宣王贊 大中祥符元年十月立。正書。篆額。

元聖文宣王贊並加封號詔 大中祥符元年十一月立真宗御製并正書。

宋史禮志是年十一月幸曲阜備禮謁廟本紀加謚孔子爲元聖文宣王遣官祭以太牢給便近十戶奉塋廟。

丞天觀碑 大中祥符二年二月立李維撰文尹熙古行書并篆額在正寧。

觀唐天寶元年建明皇夢羣仙使求之得石象二十七因置此也唐書地理志云縣本名羅川以獲玉正人像改名正寧。

修文宣王廟大門記 大中祥符二年六月立孫僅撰文冉宗閔正書張格篆額並在西安府學。

宋史禮志是年以國諱改元聖文宣王爲至聖文宣王五月通封十哲爲公七十二弟子爲侯先儒爲伯。

晉國大長公主祈福記 大中祥符己酉十月立賈得升題並正書在華嶽廟。

大長公主卽延慶公主下嫁石保吉以淳化元年改封卽以是年十二月薨逝悟真大師賈得升陳希夷弟子文內又有張德□應是張德昇見龐房報祀記。

□□禪師偈 大中祥符三年正月立沙門靜已行書省中篆額在西安府學。

此刻唐撫先塋記後額已失禪師泐其名。

李璿謁廟記 大中祥符三年二月刻正書。

韓國長公主祈福記 大中祥符三年三月立。賈得升題並正書。

宋史本傳。楊國大長公主。至道二年封宣慈長公主。咸平五年進魯國。下嫁柴宗。慶歷徙韓、魏、徐、福四國。仁宗立。進鄧國大長公主。以真宗本紀攷之。封韓國後。應是衛國。非魏國也。本紀是年閏三月。帝幸第視疾。卽指此事。案太宗七女。惟此歷封韓國爲長公主。若雍國大長公主亦改封韓。非此人。

韓國長公主禱謝記 大中祥符三年四月立。賈得升題正書。並在華嶽廟。

重書唐旌儒碑 大中祥符三年五月立。唐賈至撰文。張綽重書并篆額。在臨潼縣學。

文云。天寶中。改坑儒鄉爲旌儒鄉。冊府元龜云。天寶元年。改麗山爲會昌山。仍于坑儒之處。立祠以祀遭難諸儒。

龐房謁祠記 大中祥符季秋刻正書。

宋垂遠等謁祠記 大中祥符庚戌季秋立。張綽隸書。並在華嶽廟。

文云。閣門祇候宋垂遠。奉命提點京西刑獄公事。詔旨給假。迎侍北堂。與弟秘書皆正字。寧遠。知邑棘丞師仲宰。知京兆昭應縣張綽。進士龐房。同告謁嶽祠。案宋史宋璿傳。子明遠。都官員外郎。次子垂遠。閣門祇候。不及寧遠名。龐房報祀記云。師仲宰以大理寺丞知華陰縣事。

普濟禪院記 大中祥符三年十一月立。閻仲卿撰文。沙門善雋習王右軍行書。在汧陽龍泉山。善雋自署爲廣慈禪院文學沙門。廣慈禪院者。卽府城之香城寺也。爲晉天福時改名。古有集書。無稱習書者。習書應是依仿爲之。此碑筆畫雖近。却甚拙陋。如閻字作門內陷。右軍時必無此體。尤爲無所據矣。

何昌齡謁廟記 大中祥符四年二月刻。正書。在華嶽廟。

重修元聖文宣王記 大中祥符四年。皇帝祀汾陰之月立。董儲撰文。僧嗣端隸書。在藍田。

陳繼昌謁廟記 聖宋祀汾陰歲仲春月刻。第十孫陳知新正書。在華嶽廟。

泰寧宮牒 大中祥符四年三月立。正書。在渭南。今名后土廟。

任中正謁祠記 大中祥符四年十一月刻。正書。

題云樞密院直學士知□州迴路由名嶽者。時代張詠知益州也。中正字慶之。官終禮部尙書。

盛亮摹勒御書記 皇帝祀汾陰。明年三月立。正書。姓名泐。並在華嶽廟。

賜陳堯咨疏。龍首渠勅 大中祥符七年九月立。堯咨行書。在西安布政司廨。

堯咨自署龍圖閣直學士。尙書工部郎中。知永興軍府。與史本傳合。傳云。長安地斥鹵。無甘泉。堯咨疏龍首渠。注城中。民利之。卽指其事。堯咨字嘉謨。堯叟之弟。

張懷彬投龍記 天書九載孟春立孫可久題正書。

懷彬官入內供奉。可久官入內高班。又有李懷凝官入內高品。並中人也。宋史眞宗本紀。大中祥符元年春正月乙丑。有黃帛曳左承天門南鷗尾上。守門卒塗榮告有司以聞。上召羣臣拜迎于朝元殿。啟封號稱天書。

蔡汝祭告並王懷珪嶽廟設醮記 大中祥符九年六月刻。張綽正書。

薛田魏野謁嶽祠記 大中祥符□年正月立。正書。

宋史魏野傳。魏野字仲先。陝州陝人。隱居州之東郊。祀汾陰之歲。與李漬並被薦。不赴。案此題云徵君魏野。當是被薦之後。薛田字希穆。

□知常建醮記 大中祥符□年六月立。正書。並在華嶽廟。

知常亦中人。官入內高品。

保寧寺浴室院建鐘樓碑 天禧二年六月立。冉曾撰文。并行書。冉商篆額。在興平。

文甚華贍。足傳行書亦整健。商自署官爲三班借職。監商稅者。三班借職。武臣之初階。監商稅。隸太府寺都提舉。所謂諸州易務。雜買務。雜買場者是也。

許文德題名 天禧三年十月刻。正書。在華嶽廟。

大宋教興頌 無號年。虛儀先生撰文。唐英篆額。在西安府學。

此刻虞永興夫子廟堂碑後。碑題皇帝嗣明離之三葉。歲在未。月建午。日丁卯。宋自太祖至真宗。有天下者三世。真宗卽位之後。歲在未。是爲天禧三年也。宋史文苑傳。有馬應自稱先生。于開寶初。僞元結中興頌體作教興頌。以述太祖下荆湖之功。碑序所稱文表起戎。保權告難。頌所稱洞庭漣漣。巴陵遷遷。皆荆湖間事。此稱虛儀先生而不置姓名。當卽其人。

鄧保□送御書神述碑石記 天禧四年十月立。正書。

文有云。已後午前丙時。豎之。所稱丙時。卽二十四路法也。其法出之淮南子天文訓。子午卯酉爲二繩。丑寅辰巳未申戌亥爲四鈎。東北爲報德之維。西南爲背陽之維。東南爲常羊之維。西北爲號通之維。所謂四維者。乾巽坤艮四路也。故下又有斗。指子則冬至。指癸則小寒。指丑則大寒。指報德之維。則立春。指寅則雨水。指甲則驚蟄。指卯則春分。指乙則清明。指辰則穀雨。指常羊之維。而立夏。指巳則小滿。指丙則芒種。指午則夏至。指丁則小暑。指未則大暑。指背羊之維。而立秋。指申則處暑。指庚則白露。指酉則秋分。指辛則寒露。指戌則霜降。指號通之維。而立冬。指亥則小雪。指壬則大雪等說。道家傳黃帝宅經。多有其法。世蓋襲用之。而不知其出於淮南矣。

鄧保□豎立神述碑石記 天禧四年十月立。正書。